

景壽春大節誕聖昌辰報繪真容願崇唐福  
臣某與宮院道衆起今日一日開置靈寶延  
壽道場七晝夜香燈燭潔焚誦精虔莫惡妙  
道之功永祝無疆之壽前件畫像及功德疏  
一通謹報陳進于宵宸聽無任

謝恩賜陽平山呂廷昌紫衣表

臣某伏奉勅恩賜陽平山主呂廷昌紫衣仍  
補充內殿焚修大德者恩垂膏澤榮及巖林  
草木增輝煙霞動彩凡栖簪榻共感休明臣  
某中謝伏惟皇帝陛下惟睿開圖擇符御宇  
仁覃九土咸臻積呈之私政布八荒已洽雍  
熙之化由是群方速職重譯廣庭屬祝聖之  
昌辰標壽春之大節布鴻私於二教耀皇澤  
於萬區呂廷昌久處煙蘿深精藥餌方專心  
於葺理敢企望於寵榮豈謂陛下念切勲臣  
獎深術學以呂廷昌醫方著効致 彥謹危  
疾獨除迺降隆恩願頒命服寬裳象簡難踰  
天地之私慕燭朝香誓答聖明之照且某與  
道衆等不任  
廣成集卷之二

廣成集卷之三

上卿太清宮內供奉應制文章六德賜紫衣表

宣進天竺僧二十韻詩表

臣某伏觀西天三滿多到闕朝對者伏以比  
通玉塞西渡金河路出重關程逾萬里班定  
遠之經歷才及烏孫張博望之訪尋祇過青  
海或蛇州懸磧人跡莫窮或飛雪流沙馬蹄  
難至由是聲教或異職貢少修崑崙白環首  
標瑞典鍾山火玉顯謂祥珍況身毒居葱嶺  
之陰于闐隔雪峯之外天竺遼復跋涉辛勤  
慕中華億兆之尊嚮大蜀聖明之主專申朝  
覲實美簡編伏惟陛下縱聖體乾膺圖啓運  
德逾義頌仁冠堯湯修文德而御要宏權武  
功而安寰海故得西夷率服萬寓知歸南道  
交趾之鄉北聚穹廡之俗獻琛兼贊無曠歲  
時竊惟聽政之餘每降自天之澤興私玄釋  
勸獎崇修梵刹精嚴道宮煥麗一心齊致二  
教俱榮紫霞洞之仙客効祥天竺國之胡僧  
入貢咸歸肅感共福皇圖率土臣寮同深抃  
蹈且某芝田木學蓬岫孤蹤獲奉天慈俯宣

明命謹課頌聖德七言詩二十韻一首陳進  
冒黷宸嚴無任兢懼戰越之至

賀封資王忠王表

臣某伏觀降制封資王忠王者絲綸顯降典  
禮昭行宗社貽休宸區增抃中賀伏惟皇帝  
陛下仁推立愛道慕篤新增玉曆於延洪國  
瑤枝於遠大鳳書錫命麟趾增華浮喜氣於  
絳霄集榮光於朱邸臣歡逢聖運仰觀威儀  
不任

賀新起天錫殿表

臣某伏觀恩勅大內新殿成賜名天錫殿者  
鼎新正寢光錫嘉名中外榮瞻華夷增抃臣  
中賀伏惟皇帝陛下承極啓運握斗垂衣包  
九土以君臨開四門而教睦法天構宇隆帝  
宅於上京拓地開基壯皇居於億世由是前  
羅象門遐敞龍庭總日月之貞華高啟秀閣  
集星辰之瑞彩廣啓文軒藝我歷來弄之墟  
茂業應氏房之狀莫不嶽靈飛磻川后貢材  
人以子來功資神助雖鶴宮層殿被縷細以  
難倚漢閣周堂因尋常而莫並功云告畢寶

額受新顯神授於上玄以符天錫羅宏圖於八極永播聖功臨海嶽而闡琛珍會諸侯而朝萬國特陳大禮以福群方叶神明贊助之期廣天地遐長之壽臣某榮逢聖日仰觀神功不任

賀聖體漸痊愈表

臣某言伏審昨日已來聖體頌就安愈臣某誠歡誠躍頓首頓首伏惟皇帝陛下深仁御宇至道垂裳惠臣某區恩周品物晝乾夕惕焦勞而騰理愆和肝食宵衣憂軫而寒體爽候今則神明幽贊川嶽効靈清廟貽祥玄穹降福克安聖躬彌增雨耀之輝廣納洪休益永萬年之壽華夷抃悅億兆歡呼臣某日旬以來眼疾未滅不獲趨馳玉闕蹈舞天階瞻望煙霄不任

賀疾愈表

臣某言伏審聖體已就痊平中外臣某察咸增踴躍臣某誠歡誠抃頓首頓首臣某聞五緯經躔尚有差其行度四時運動猶或爽於條舒雖寒暑之乖宜蓋陰陽之常數伏惟皇帝陛

下順時設教以德臨人萬機無繫於宸襟六氣稍違於聖體今則神靈叶贊宗廟垂祥廣集天休頌安聖寢足嗣唐堯之一統永延周帝之遐齡頌賞錫於醫功恩流海內帑鼓呼於品物聲震層霄臣某昨自三月已來偶蒙疾苦不獲隨倒舞蹈堯階無任歡呼屏營之至

謝手詔表

臣某言今日伏奉恩旨以臣某今月十一日上表稱賀聖體痊愈復事賜手詔獎飭者緣闕流恩紫泥頒寵仰承天造俯慰凡庸臣某誠榮誠恐頓首頓首竊以臣某叨將疎野幸列班行雖於修每祝於龍圖而且夕合趨於鳳闕泊嬰疾苦稍曠朝天子以皇帝陛下庶政懷勞萬機關念偶致違裕尋就痊和是以臣某稽首歡呼飛章稱賀實臣某榮之素分乃周列之常儀豈謂皇慈曲頒紫詔臣某謹已焚香跪受訖無任瞻天荷聖激切屏營之至

謝宣賜道場錢表

臣某言今日伏奉聖旨以臣某自前月二十一日就當院集在觀道東老宿等於三清壇上

為皇帝陛下開置靈寶消災轉經禮念道場伏蒙宣賜錢二十貫文者除者伏以中朝錫寵內庫頒財仰奉天慈倍銘凡懇臣某中坤伏以叨為教主深受國恩凡日焚修皆歸職分豈期聖造仍降寵私仰天上之龍顏已增感聖捧禁中之鵝眼更切祝堯其所賜錢臣某已依數跪受俵給道眾臣某與道眾等無任感恩激切屏營之至

賀嗣位表

臣某言伏審今日皇嗣寶位光御洪圖率土歡呼普天欣載臣某賀臣某聞成王嗣位舉千載之徽猷舜帝繼明為百王之茂典上膺天命下契人情伏惟皇帝陛下道比成湯仁同大禹德宜符於五緯運濬契於二儀是以克紹宗桃光昇寶位鼎祚彰彰惟新之命洪基顯隆永之期即使車書混同夷夏清泰九土有歸山之馬四溟無橫海之鯨克振皇綱永安大業臣某叨榮昌運獲列簪裳仰馳捧日之心雖同龜抃俯抱卮津之恨莫遠覓趨臣某無任瞻天望聖踴躍屏營之至

賀德音表

臣某言今日皇帝御殿宣降德音者臣聞聖德法天應候每行於亭育神功體道順時克布於生成莫不澤被九黎惠敷萬國凡居覆載咸動歡呼臣其中賀伏惟皇帝陛下宅據寰中日臨天下克儉而茅茨不剪栖神而金鏡高懸是以馬塞窮荒雲奔玉帛雜林絕域霧集梯航運在無為俗欣有道今則普宣德教克頌正陽安地表之遺黎高開壽域御天錫之新殿更扇薰風慰征役於藩方免通懸於郡縣懸鄉還客俱從釋宥之恩因團緣四畫舉寬明之典式因三赦將候一同臣伏恨疾瘵所禁不獲隨例蹈舞玉階無任歡呼踊躍屏營之至

又賀德音表

臣某言今日皇帝御殿宣降德音者雷雨作解渥澤滂流而九土以無遺致群生之咸泰華夷億兆孰不歡呼臣其中賀伏惟皇帝陛下嗣聖繼明握圖御宇蒸蒸大孝同漢惠以承統翼翼小心比周王之慕極文懷遠俗武

戰避荒膺乾而化洽無垠出震而仁周有截本則凝旒御宇正殿宣恩安地表之黎元高躋壽域灑天中之德澤更扇薰風憫征戍之勤勞釋賦租之逋滯投荒還旅因緣俱從赦宥之私盡舉寬明之典騰歡聲於域外

謝批答表

浮喜氣於雲間車軌書文符歸一統瑤圖玉曆克保千春臣獲以表遲躬逢睿聖方嬰疾疹不獲蹈舞堯階瞻戀天慈無任歡呼踊躍屏營之至

臣某言伏奉恩勅以臣本月二日上賀登極表一道賜批荅獎飾者寵降丹霄榮臨玄教綸垂五色出仙禁以昭彰日煥九芒向芝田而照燭驚榮失次扞蹈無階臣中謝伏惟皇帝陛下珠衛誕瑞玉斗縱神出震域以重光為乾樞而纂聖德超啟誦弘孝德以垂衣明繼勳華宣大明而御宇湛恩遐布惠澤旁敷歡呼振野以成雷喜氣凝空而作蒼華夷億兆就日瞻雲臣某限以表遲兼嬰疾恙仰龍輝而繁懇陪歡舞以無因遂貢封章遑陳誠

悃豈謂特隆睿獎俯降天章成行之瑞露感凝聯福之卿雲芬郁捧對而嵩衡未重感恩而溟渤非深鷦鷯至微乾坤難報所賜批荅臣謹已焚香跪受訖無任荷聖戴恩之至

慰中祥大祥禱制表

臣某頓首頓首言日月不居大行皇帝奄及某禱伏惟皇帝陛下攀號痛慕聖情難居上為宗祧下徇德兆俯全大體永福華夷臣哀疾所禁不獲隨例起居奉慰無任頌越屏營之至謹奉表陳慰以聞

慰釋服表

臣某頓首頓首言日月不居大行皇帝崩背如昨奄經禮制伏惟皇帝陛下攀慕水遠聖情難居四海臣妾服制終禮瞻天靡及履地無容臣伏限衰疾所禁不獲趨詣闕庭哀慟無任感咽摧慕之至謹奉表陳慰以聞

慰丹廟統表

臣某言本月某日追冊大行皇帝尊諡及廟號者伏惟大行皇帝應天誕膺乘運開圖豐沛振衣功超於漢祖郊岐枝莖仁邁於周文



考唐先朝善之名遵虞舜威明之號今則式  
崇尊謚愛美聖功德光感及寰區共感伏惟  
陛下悲纏同極孝理萬方仰弓劍以難追奉  
冊書而增感涕天率土哀殞同深

慰朕損表

臣某言伏承大行皇帝今月某日啓攢宮者  
哀經百辟號慟六官伏惟陛下攀慕哀號聖  
情難處對弓劍而增感歎光景以冥懷臣伏  
限衰疾所繫不獲隨例哀慟無任殞越屏營  
之至

慰附廟禮畢表

臣某頓首頓首言伏承某皇帝附廟禮畢者  
禮重宗祧序中昭穆克遵嚴祀永耀神功  
伏惟陛下順考禮經欽明孝德正春禘秋嘗  
之典宗配天奉聖之儀允集鴻休永崇清廟  
普天率土哀慕同深

慰封陵表

臣某頓首頓首言伏觀大行皇帝陵寢封為  
某陵者臣竊惟大行皇帝春日叶祥履星應  
夢握乾元而啓曆拓坤野以開基鄙具魏之

三分廣行恩化欲華夷之一統將混車書陵  
寢正名允符聖德伏惟陛下攀慕事重追慕  
為先光顯遺功輝華感禮仰瞻懿躅稍慰聖  
情凡在臣寮尚深哀慕

慰發引表

臣某言伏惟大行皇帝靈駕以今月某日發  
引者二儀交感兩曜無光德光銜哀靈寢共  
慘臣某誠摧誠咽頓首頓首伏惟陛下孝思  
罔極聖情難居望仙駕以漸遠聽雍歌而增  
咽追攀不怠號慕難勝

賀登極後聽政表

臣某言伏審今月九日皇帝御明德殿聽政  
者文物科儀初陳於玉砌行鶴振鷲乍列於  
瑤輝中外同歡寰瀛共賀臣某誠歡誠躍頓  
首頓首伏惟皇帝陛下九天誕聖七政縱神  
執玉斗而御乾龍將寧四海握璿衡而司大  
象覆敷萬方敷啓后之文明懋成王之道德  
今則雲開碧落齊瞻比極之尊霞散滄溟共  
奉大明之照恩覃有截惠洽無退臣跡滯芝  
田榮逢寶運悲越吟而自感趨漢殿以無由

瞻望先天不任拊蹈歡呼激切屏營之至

慰山陵畢表

臣某言伏承大行皇帝山陵禮畢者神官長  
閉仙寢永安率土生靈不任號慕云云伏惟  
皇帝陛下追慕不怠聖情難居對馬鬣以增  
悲攀龍髯而水而遊衣尚存仙駕已遠追想  
英威摧慕何及臣某伏限衰疾不獲奉慰關  
庭不任號慕摧咽之至謹奉表以聞

請不赴山陵表

臣某言竊承山陵府過皇陛下哀慕無窮  
欲躬赴陵寢者恭聞中旨實駭人情凡披照  
臨莫不惶感臣某誠惶誠恐頓首頓首伏以  
帝王之孝也法天順人緣理制禮俾生靈咸  
若而宗廟永安未聞以弓劍之哀誠履曾閔  
之獨行遽勞警蹕親奉告修伏惟皇帝陛下  
考百王之舊儀徇歷世之成典特迴聖鑒俯  
契禮文遵前古之通規示後王之令範彌彰  
孝理以慰萬方臣不任慙慙虔懇迫切之至  
謹奉表陳乞以聞

廣成集卷之三